

قصة ناس عاشوا مع القرآن – هتسمع قصص كأنها خيال □ – م

علاء حامد

علاء حامد

الحمد لله وشهد ان لا الله الا الله وحده لا شريك له وشهد ان محمدا عبده ورسوله صلى الله عليه وسلم. اما بعد. اهلا ومرحبا بكم في لقاء جديد ولايف جديد من آآ لאיفات يوم الاثنين. وآآ كان آآ اخر لايفات كنا اتكلمنا فيها عموما عن القرآن عن - [00:00:00](#) كيفية حفظ القرآن عن آآ كيفية مصاحبة القرآن. لكن النهاردة انا جاي اتكلم في التطبيق العملي بقى الواقع العملي انا لو مصاحبة القرآن كيف ينبغي ان يكون حالى؟ يعني ايه هو الاثر؟ المرجو اللي المفروض يحصل في اذا انا - [00:00:21](#) صاحبة القرآن فعلا كنا اتكلمنا المرة اللي فاتت ان صحبة القرآن آآ ليست مسألة ان انت بتقرأ كثير او ان انت بتحفظ او ان انت بتتجوّد وانما آآ الصحبة ان انت فعلا تكون يعني ب تستغنى بالقرآن عايش معه بتحبه جدا ملازمه صباح مساء - [00:00:41](#) آآ بتفاعل مع اوامره. آآ بتعيش مع آآ قصصه. آآ فعلا واحده منهج الحياة حقيقي بتدور على حاجة تعلمها بتدور على اتباع بتدور على عمل لغاية ما معاني القرآن فعلا تختلط بلحنك - [00:01:04](#)

امك بقت انت قرآن آآ من كتر ما انت مسلا حافز كويس مع انك انت بتتفكر فيه كثير مع انك انت عايش معه بقى فعلا آآ بتحس باثره في حياتك. اثره فين؟ في حياتك الشخصية. بتلاقي نفسك في المواقف الحياتية العادية - [00:01:24](#) تتفاعل بالقرآن. بتشعر ان اثر القرآن بدأ يظهر في تصوراتك. في سلوكك في نزرتك للواقع من حولك عشان كده آآ مسألة اثر القرآن عليك او الحياة بالقرآن هي امر فوق مسألة الحفظ والصلة والتجويد والقراءة والكلام دوت. بمعنى اللي عايز - [00:01:44](#) تقول فعلا ان هو صاحب القرآن فلينظر الى اثر القرآن في حياته العادية يعني هل فعلا ما سهل ان انا اروح اصلی بالليل بالقرآن. تمام؟ سهل ان انا اقعد اقرأ القرآن. سهل ان انا اقعد احفز القرآن. لكن لما باجي باواجه الحياة. لما باجي بانزل في - [00:02:14](#) الشارع لما اجي بتعامل مع الناس هل بجد حضور؟ هل اجد حضور لهذا القرآن؟ في كلامي في سلوكى في تصوراتي في قراراتي في هيئتي في سمتى هل له حضور ام لا - [00:02:34](#)

اذا كان له حضور فدي اعلى درجات التفاعل مع القرآن. واعلى درجات فعلا التعايش بالقرآن واما ان يكون القرآن مجرد محصور في المحراب محصور في الصلوات محصور في المصاحف ثم في الخارج - [00:02:54](#)

في الخارج اذا نزلنا الى الواقع لا نجد اثره لا في سمت ولا في هدي ولا في سلوك ولا في تصورات ولا في قرارات مم بقى في حاجة ايه؟ حاجة غلط. في حاجة غلط هنا هوت. عشان كده انا لما اقول ان انا عايز اشوف قصص الناس - [00:03:15](#)

عاشت مع القرآن هتعتمد النهاردة ما تكلمش عن قصص الناس اللي بتصلني بالقرآن مش ده شغلي الشامل آآ مش هتعتمد النهاردة ان انا اتجنب قصص المحاريب. لأن اه دي قصص مشهورة وكتير - [00:03:35](#)

وده اللي انت متوقعينه لكان النهاردة هتكلم عن قصص خارج المحاريب يعني قصص ناس اثر القرآن في سلوكها في حياتها في تصوراتها خارج المحاريب زي ما قلنا كلنا شيخ في المحراب - [00:04:00](#)

كلنا لو صلينا ما فيش حد فينا هيهزэр ولا هيرقص. كلنا هنصلي. لكن تعال لي برة في الشارع في الشغل في السمك العادي في تعاملك مع الناس هل في ثمرة واضحة للقرآن في السلوك ولا لا - [00:04:22](#)

عشان كده النهاردة اتعتمد واتكلم ان انا اختار من قصص السلف كلها. بل وقصص الخلف بعض المواقف لتدل ان هم وصلوا في تأثيرهم

بالقرآن الى انه بيأثر في كلامهم العادي. سلوكهم العادي تصورتهم العادية. الأمثلة - 00:04:40

آآ العادية بتعاتهم خلونا نشوف حصل ايه مع الناس ديت عشان نعرف احنا فين من القرآن انا لما اضرب الامسلة هتعرفوا انا قصدي ايه بس القاعدة العامة ان احنا هتتجنب قصص القيام. قصص الصلاة مش مش هو ده اللي شاغلني دلوقتي. انا هتكلم عن قصص -

00:05:00

تفاعل السلف مع القرآن في مواقف مفاجئة مواقف عادية مواقف في الحياة كلام عادي قد ايه كان فعلا معاني القرآن مختلطة بلحمهم وعظمهم حتى ظهر منهم الكلام اللي هتسمعوه النهاردة اللي هو بالنسبة لكم هيكون صدمة النهاردة. يعني كل مرة ايه بنحاول نعمل لكم صدمة كده - 00:05:24

صدمة انت مش حافظ كوييس. صدمة انت مش مراجع كوييس. صدمة ان انت مش مصاحب قرآن. صدمة ان انت مش عايش بالقرآن. النهاردة صدمتك جديدة. ان احنا مش عايشينك يا جماعة بالقرآن احنا كلام بس واحسن واحد فينا لما بيقوم بيصلني بس. لكن سلوك تصورات افكار لـ لسة بدري ومحتججين مجهد كبير شوية - 00:05:47

طيب خلينا نبدأ باول موقف وهو موقف انس بن مالك بيحكى عن آآ موقف حصل لما في المرض الذي مات فيه رسول الله صلى الله عليه وسلم. موقف عجيب يعني موقف عجيب آآ ممكن احنا بنقراه بنقراه في السيرة - 00:06:07
عدي علينا عادي. تمام؟ لكن اه اه عند التأمل لازم تقف معه كتير جدا الموقف دوت. فيبحكي احكي عن ناس بيقول كان ابو بكر يصلني بالناس في وجع النبي صلى الله عليه وسلم الذي توفي فيه. حتى اذا كان يوم الاثنين حتى اذا كان يوم الاثنين وهم صفوف في الصلاة - 00:06:30

ابي بيمرض في بيت عائشة رضي الله عنها. وطبعا البيت لازق في المسجد بينه وبين المسجد شد الستارة بقى في المسجد. تمام؟ فهو انس بيقول كان ابو بكر في الفترة دي بيصلني بالناس - 00:06:54

ويوم الاثنين بقى اللي هو خلاص كان اخر يوم شافه فيه النبي عليه الصلاة والسلام وكشف الستار
كشف النبي صلى الله عليه وسلم سترا حجرة يعني حجرة عائشة ينظر اليها وهو قائم. فطبعا الصحابة اتفتنوا لما شافوا - 00:07:07
آآ النبي عليه الصلاة والسلام طلع اتفتن لدرجة انهم بيصلوا. بصوا للنبي عليه الصلاة والسلام. حتى كان انس بيحكى بيقول وكدا نفتتن في الصلاة. يعني كنا هنخرج من الصلاة اصلا - 00:07:27

عشان نسلم عليه ونقبله اخر قبلة وآخر سلام ما حدش عارف بكرة هيحصل ايه. فهم من شدة الافتتان فعلا وهم بيصلوا تخيل النبي اصلا طالعة وحجرة عائشة كانت ناحية القبلة. فاللي هو اصلا في القبلة يدوشك هي عمل كده هيشفوه. فكلهم بصوا عليه. عليه الصلاة والسلام حاجة خارج الارادة تماما - 00:07:37

محمد الموقف باختصار بغض النزء عن عن عن صعوبة المواقف لكن عايز اخد كلمة لانس رضي الله عنه وارضاه لما قال قال فنظرت في وجه النبي صلى الله عليه وسلم فكان ورقة مصحف. فكان وجه النبي - 00:07:57

اي كانه ورقة مصحف. ثم تبسم يضحك صلى الله عليه وسلم. فهممنا ان نفتتن من الفرح فقص ابو بكر على عقبيه ليصل الصف. وظن ان النبي صلى الله عليه وسلم خارج الى الصلاة فاشار اليها النبي صلى الله عليه وسلم ان اتموا - 00:08:17

صلاة وارخي السترة فتوفي من يومه صلى الله عليه وسلم. آآ اللي عايز اقف معه منبهر جدا لما اراد انس انه يوصل جمال وجه النبي عليه الصلاة والسلام قال وشه ووجهه كان عامل زي ورقة المصحف. ايه ما هزا - 00:08:37

يعني الناس دي لما تحب توصف قمة الجمال. قمة الجمال عندهم هو ورقة المصحف. الورقة التي يكتب فيها القرآن هي اجمل منظر ممكن عين صحابي تقع عليه لدرجة لما يحب يقول حاجة اجمل ما يمكن بيقول في عيني في عيني شبه ورقة المصحف - 00:08:57
صفياء احنا بنحب نوصف الجمال بنقول ايه؟ نقول زي القمر. بنقول ده شبه الممسل فلان شبه الممسلة فلانة بنوصف باللي في دماغنا. بنوصف اللي متاثر به بنوصف باللي احنا شايفينه جمال فعلا القمر والبتابع والسماء والشمس ماشي ده كوييس في ناس بيوصفو -

00:09:17

ال المسلمين واللعيبة والفنانين يقول لك بنتي شبه الممسلة فلانة. ابني شبه الممسلة فلانة. هكذا نصف الجمال. هكذا نصف الجمال. لأننا في الحقيقة نتعامل مع صفحة القرآن صفحة المصحف على أنها عبء - [00:09:37](#) ليس هو المنزr الجميل الذي اراه كل يوم. ده عبء بالنسبة لي عايز انجز. عايز اقرا واحلص وردي. عايز احفز بقى وخلصني من الصفحة ديت. عايز اسمع وانتهي لكن الصحابي بيقول وش النبي عليه الصلاة والسلام - [00:09:57](#)

وصل مرحلة من الجمال انا شايفه كانه ورقة مصحف. حاجة عجيبة جداً بتتصف بتختصر لك الف مليون محاضرة في تصور وفي وصف علاقة الصحابة بالقرآن. هذه الكلمة تختصر مجلدات في - [00:10:12](#)

علاقة الصحابة بالقرآن علاقة الصحابة بالقرآن تختصر في انهم وصفوا وجه النبي صلى الله عليه وسلم بانه ورقة مصحف. خلص الكلام خد بقى اللي جاي خدي الجمدان اللي جاي. زايد حديس زيد ابن ثابت وكان انس برضه موجود. زيد ابن ثابت - [00:10:32](#) زيد ابن ثابت بقى يعني زيد زيد ابن ثابت يا جماعة الرجل الذي جمع القرآن حاجة فخمة خالص فزيد ابن ثابت قاعد آآآ قاعد مع الصحابة عادي فيبحكي موقف بيقول تسحرنا مع النبي صلى الله عليه - [00:10:56](#)

سلم وكلامه عادي. فالملهم انس لفته بيقول تسحرنا مع النبي صلى الله عليه وسلم ثم قمنا الى الصلاة. صلاة الفجر في انس عايز برضو يعرف السنة ماشيء ازاي هل هم اتسحروا بدرى ولا متاخر ولا ايه؟ فقال يا زيد كم كان بين السحور وبين الاذان - [00:11:15](#) كم كان بين السحور وبين الاذان تخيلوا الاجابة الزايدة هتكون ايه مم مين يولي جاي؟ زايد هيجاوب قد ايه؟ يا ترى هيقول خمس دقايق يا ترى هيقول عشر دقايق يلا اختار اختياراتي الآتية. دقيقتين خمس دقايق - [00:11:33](#)

عشر دقايق ربع ساعة. تفتكر انس تفتكر زيد ابن ثابت هيجاوب على انس يقول له ايه؟ دقيقتين خمس دقايق عشر دقايق ربع ساعة. هل زيد اجاب احد الاجابات واحد هذه الاجابات واذا كان احد هزه الاجابات فما هي الاجابة الصحيحة - [00:11:54](#)

احسنـت يا اروى ممتازـة. احسـنت يا حبيـبة. احسـنتـ يا منـى. ربـنا بـيارـكـ فيـكمـ. صـحـ. احسـنتـمـ. زـاتـ النـقـابـ. اـنـتـ جـامـدـينـ جـداـ. جـامـدـ دـينـ

بس حافظـينـ بـسـ اـحـنـاـ ماـ بـنـعـمـلـشـ الليـ هـمـ بـيـقـولـهـ دـوتـ. سـيـدـ اـجـابـ اـجـابـةـ غـرـبـةـ لـاـنـسـ. يـعـنـيـ اـجـابـةـ بـالـنـسـبـةـ لـنـاـ غـرـبـةـ - [00:12:14](#)

اجابة لو حد دلوقتي جاوبها هتقول له يعني ايه؟ يعني فقال زيد لانس كان بين السحور وبين الاذان خمسين اية انا هسألك سؤال دلوقتي. انا مش مستغرب من اجابة زايد - [00:12:32](#)

انا مستغرب ان انس ما قالوش يعني ايه شغل مخك انا مش مستغرب من اجابة زايد انا مستغرب ان انس ما قالوش يعني ايه.

فواضح ان دي لغة عادية. لغة عادية. الناس بتتعامل بها. لغة تدل على ان - [00:12:49](#)

الناس ديت حياتهم في القرآن حافزـينـهـ بـأـرـقـامـ الـأـيـاتـ. حـافـظـينـ يـعـنـيـ اـيـهـ خـمـسـينـ اـيـةـ يـاـ جـمـاعـةـ خـمـسـينـ اـيـةـ يـعـنـيـ حاجـةـ

كـدهـ مـاـ أـقـلـ حاجـةـ تـلـاثـ دـقـايـقـ وـاقـصـىـ حاجـةـ سـعـيـ دـقـايـقـ عـاـيزـ يـقـولـ لهـ مـنـ تـلـاثـ دـقـايـقـ لـسـعـيـ دـقـايـقـ تـقـرـيـباـ هوـ كـانـ فيـ الـحـتـةـ - [00:13:07](#)

الـحـتـةـ دـيـ يـعـنـيـ لوـ عـدـ اـيـاتـ مـحـدـودـةـ مـسـلـاـ زـيـ اـقـصـرـ حاجـةـ زـيـ سـوـرـةـ الـمـرـسـلـاتـ. نـتـكـلمـ فـيـ خـمـسـ دـقـايـقـ مـسـلـاـ. اوـ لوـ بـنـتـكـلمـ

فيـ السـوـرـةـ اـيـاتـهاـ طـوـيـلـةـ يـعـنـيـ عـشـرـ دـقـايـقـ. الليـ عـاـيزـ يـقـولـ لهـ خـمـسـ دـقـايـقـ عـشـرـ دـقـايـقـ كـدهـ - [00:13:27](#)

منـ خـمـسـ لـعـشـرـ دـقـايـقـ بـسـ قـالـهـ لـهـ اـزـايـ؟ـ قـالـهـ لـهـ بـلـغـةـ غـرـبـةـ. يـعـنـيـ اـنـتـ تـخـيـلـ اـحـدـ السـلـفـ كـانـ يـقـولـونـ لـهـ كـمـ

بيـنـ وـبـيـتـ فـلـانـ. كـمـ بـيـنـ بـيـتـكـ وـبـيـتـ فـلـانـ؟ـ قـالـ مـائـةـ اـيـةـ - [00:13:41](#)

برضـوـ الغـرـبـ اـنـ مـاـ حـدـشـ قـالـ لـهـ يـعـنـيـ اـيـهـ؟ـ يـعـنـيـ اـنـاـ دـلـوقـتـيـ تـخـيـلـ لـوـ اـنـاـ جـيـتـ قـلـتـ لـكـ وـالـلـهـ اـنـتـ آـبـتـرـوـحـ الـكـلـيـةـ فـيـ قـدـ اـيـهـ الصـبـحـ

فـتـخـيـلـ اـنـتـ مـسـلـاـ جـاوـيـتـنـيـ قـلـتـ لـيـ فـيـ مـتـيـنـ اـيـةـ - [00:14:00](#)

اـنـاـ ردـ فـعـلـ اـيـهـ؟ـ يـعـنـيـ اـنـتـ تـخـيـلـ قـلـتـ لـوـ اـحـدـ عـادـيـ يـعـنـيـ سـبـكـ مـنـ عـلـاءـ حـامـدـ. جـيـتـ شـخـصـ عـادـيـ فـيـ المـجـتمـعـ فـيـ بـيـقـولـ لـكـ وـالـلـهـ اـنـتـ

بـتـرـوـحـ الـكـلـيـةـ فـيـ اـدـ اـيـهـ؟ـ قـلـتـ لـهـ وـالـلـهـ بـرـوحـ - [00:14:13](#)

فـيـ مـيـنـ؟ـ فـيـ مـتـيـنـ نـهـاـيـةـ كـدـهـ هـيـقـولـ لـكـ نـعـمـ صـبـاحـ الـفـلـ. اـنـتـ عـاـيزـ اـيـهـ اـنـتـ بـسـ اـنـتـ فـيـ حاجـةـ اـيـهـ يـعـنـيـ؟ـ فـيـ كـمـ يـعـنـيـ؟ـ يـعـنـيـ

اـيـهـ يـعـنـيـ اللـيـ اـنـتـ بـتـقـولـ دـهـ؟ـ اـزاـ - [00:14:23](#)

اذا الناس في نقلة نوعية في فهمهم للايه؟ للقرآن ان المجتمع كله بيقرأ كتير. المجتمع ده دليل على حاجة. دليل ان هم متعودين في الطريق بيقرأوا القرآن. اذا انا ما بتكلمش في المحراب دلوقتي ما بتكلمش في الصلاة. لا ده هو اه - 00:14:36

آآ الطبيعي الناس فاهمة الناس عادي بمشي في الشارع بقرأ القرآن بروح سكتي بقرأ القرآن وتعال بقى خد العمق بقى يعني سيبك من خلاص زايد وانس زايد اجابته عجيبة وانس كونه ما استغريش ده اعجب. خد بقى الصدمة بقى خد الصدمة - 00:14:56

اللي انت مش مستوعبها لغاية دلوقتي. انا عايزة تتخيل ان انس ابن زيد كان خلص سحور وبدأ يقرأ القرآن رغم ان النبي عليه الصلاة والسلام قاعد معهم انت متخيل الموقف - 00:15:13

يعني ايه يعني انس زايد قاعد تخيل انا عايزة لأ تخيل انت نفسك تخيل انت بتتسحر مع النبي عليه الصلاة والسلام وفيه فرصة فاضية بين السحور وبين الازان هتعمل فيها ايه - 00:15:33

هتعمل فيها ايه؟ طبيعي هتكلك هتعمل اي حوار هتكلم اي كلام بحبس ان انت تكلم النبي عليه الصلاة والسلام. تروح تقدر جنبه تتصور معه ها تقول له اي سؤال من دماغك تفتح اي حوار عايزة بقى قاعد مع النبي يا عم عايزة اتكلم. ده انت لا مؤاخذة لو قاعد مع شيخ عادي مع داعية عادي مش - 00:15:48

سيبه في الوقت دوت. هتقعد تتكلم معه لغاية بعد الصلاة. ده رب يصلی بسببك ليه؟ لأن احنا عندنا مشكلة بقى مجرد ما تلاقي حد مشهور. حد كوييس فعايز ايه؟ عايزة اقعد جنبه - 00:16:08

الصحابة متعلقين بالقرآن. لدرجة ان النبي قاعد وما شغلهمش عن القرآن. يعني النبي قاعد معي وبيتسرح وده عن القرآن عادي جدا النبي عليه الصلاة والسلام قاعد انا بدأت اقرأ القرآن وهو قاعد لغاية ما الاقامة جت او ما الازان جه عادي - 00:16:28

وهو هو يحب كده عليه الصلاة والسلام هو بيحب معالي الامور. فده يدل على علاقتهم الراقية قوي لدرجة ان حتى وجود النبي عليه الصلاة والسلام بين ايديهم لم يشغلهم عن الكلام الله سبحانه وتعالى. انت اي حاجة بتحصل حواليك بتشغلك عن القرآن. قرآن اخر اهتماماتك - 00:16:47

تخيل بقول لك يعني لو النبي قاعد المفروض ما تشغلش عن الايه؟ عن القرآن. ما بالك انت بتتنشغل باي حوار. اي نوتيفيكيشن اي صورة اي تقليل على النت الدنيا بايظة. انت متخيل؟ فده دي مسألة. طيب. تعال بقى ايه - 00:17:07

نخش في ليفل تاني. ليفل بقى ايه؟ ليفل الوحش. ليفل الوحش اللي هو ابو موسى الاشعري. ابو موسى الاشعري طبعا اه حاجة فوق خالص. ابو موسى الاشعري حاجة عالية جدا بالنسبة لنا وده سقف من الناس القرآنيين. ابو - 00:17:23 الاشعري اوتي مزمار من مزامير داود. المشكلة ان اللي بيأسله اللي بيأسله نفسه آآ هو حاجة جامدة زيده كده يعني الاثنين السائل اللي هيأسأل والمسئول الاثنين فوق فوق خالص. معاذ بن جبل بيأسأل ابو موسى الاشعري. معاذ بن جبل بيأسأل ابو موسى الاشعري - 00:17:43

طبعا ده واحد من الجبال الاربعة معاذ ابن جبل. مع باقي عبدالله بن مسعود سالم مولى ابي حزيفة الجبار اللي احنا بنادن منهم القرآن. وابو موسى الاشعري شهد له النبي عليه الصلاة والسلام انه اوتي مزمار من مزامير داود. ابو موسى آآ الاشعري - 00:18:03 آآ اتسأل معاذ بيأسله يقول يا ابا موسى كيف تقرأ القرآن؟ يعني بتقرأه ازاي كيف تقرأ القرآن؟ فكانت اجابة ابو موسى غريبة قوي.

يعني هو مسلا انت لو انا قلت لك كيف تقرأ القرآن مسلا هتقول لي والله بقعد كده - 00:18:23

في المسجد ما بين المغرب والعشاء بقرة. ماشي؟ ماشي؟ او لا والله ده انا بالليل بقعد بقى مع حالي كده بصلبي. ماشي؟ او بقوم الليل لو انا جامد هصلبي بالقرآن بالليل. المهم انت هتحكى لي حالة معينة. ابو موسى مش عارف يقول له ايه. يعني ابو موسى الاشعري مش عارف - 00:18:39

يجاوبه يقول له ايه؟ فجاوبه اجابة عجيبة. فقال قال معاذ يقول يا ابا موسى كيف تقرأ القرآن؟ قال اقرأه قائما وقاعدًا وعلى راحلتي وفي صلاتي تاني كده قال اقرأه قائما وقاعدًا وعلى راحلتي وفي صلاتي - 00:18:58

نعم آآ طب ما تقول في حياتي كلها اه ما هو ده اللي عايزة يقوله له يعني. عايزة يقول له هو انا اصلا ما بيطاش يعني بس هو انا

00:19:21 مخرج اقول لك -

يعني الاجابة ديت هو السؤال بالنسبة له غريب يعني. هو انا اصلا ما بيطاش فيبيقول له كيف تقرأ القرآن؟ قال اقرأه قائما وقاعدا. ما هو الانسان يا قائم يا قاعد يعني ما هو ما فيش غير كده. وعلى راحلة - 00:19:31

عشان برضو ما تسألنيش طب بالنسبة للراحلة وفي صلاتي ده العادي بقى بتاعي جمدان انت بتعمل ايه في المواصلات انت بتعمل ايه في المواصلات؟ بتروحى الكلية في ساعة؟ بتعمل ايه؟ بترجعى من الكلية في ساعة بتعمل ايه؟ واحنا ماشين في الشارع كده رايحين نجيب عيش رايحين نجيب - 00:19:47

اللين. رايحين السوق نجيب نجيب طماطم. بتعمل ايه في وانت ماشية نقدر نتفرج نقدر سرحانين بنقدر في اللالا كده وانت راكبة تاكسي بتعمل ايه؟ وانت في بتعمل ايه؟ تمام؟ آآ - 00:20:06

واحنا على السلم طالعين السلم نازلين من السلم بتعمل ايه؟ ساكت ليه؟ لأن ما فيش علاقة بالقرآن انت مش مصاحب انت مش مصاحب انت لو صاحبه كان بيقي معك في كل الاوقات. وانا ماشي على راحلة يعني على الجمل بتاعه. وانا ماشي وانا راكب وانا في الشارع اي فرصة - 00:20:22

بلامي نفسي مع نفسي كده واقدر اقول على طول القرآن ما بسكتوش بقدر اجيب من حفظ يجيب من حفظ اخلاص نفسك صاحبك ماشي معك حلو تمام؟ فكانوا حريصين على كده - 00:20:42

لذلك حتى السلف نفسهم كانوا هم نفسهم بيحبو ايه؟ ما بيحبوش يشغلوا بعض عن الغاية ديت. ما بيحبوش ايه يشغلوا بعض عن الغاية ديت. ازاي؟ احد السلف كان عنده اصحابه. قاعدين عادي. فهم مروحين مروحين - 00:20:56

قيل فقال لهم آآ تفرقوا ولا تجتمعوا تفرقوا ولا تجتمعوا يعني هل كل واحد يروح ياخذ حاول ياخذ طريق لوحده. قال اه قال اذا خرجتم من عندي فتفرقوا. قالوا له ليه يعني؟ قال لعل احدكم ان يقرأ القرآن في الطريق - 00:21:16

فانكم متى اجتمعتم تحدثتم وانشغلتم عن القرآن فانكم متى اجتمعتم تحدثتم فانشغلتم عن القرآن. عكسنا تماما عكسنا تماما الرجل بيقول لهم لما تيجوا مروحين كل واحد يمشي لوحده احسن. ليه يا عم؟ تمام؟ قال علشان انت لما بتنجعوا بتقدعوا تهروا في اي كلام - 00:21:37

فده بيشغلكم عن الایه؟ تقدم السلف مش هيقولوا في اي كلام احنا بتعمل كده. هتتكلموا وخلاص. ده هيشغلكم عن القرآن فيا ريت لما تروحوا كل واحد يمشي لوحده احسن. علشان يمكن واحد فيكم بيلافي نفسه مع نفسه فيقعد يقرأ ايه؟ قرآن. العكس تماما. انت مسلا انت بتبيقي نازلة - 00:22:04

يا عيني من كتر لا ممؤاخذة الخيبة اللي احنا فيها ومن كتر قلة صحبتنا للقرآن بنقدر شايلين هم ان انا نازل مشوار لوحدي ومتضايق لا انا انا انا مش هنزل لوحدي. تتصلني بوحدة صاحبتك ما لهاش اي علاقة بالمشوار ولا لها اي علاقة بالقصة. انزلي معي. ليه؟ اصل انا بنزل لوحدي - 00:22:24

طب ما ايه المشكلة انزلي لوحدي ما بزهق بتزهق في السكة. عايزه حد يسليني عايزه حد يسليني يقدر يلوك معي في السكة. عايزه واحدة تلك معي في سكة تتصلني بصاحبتك منزلاها من بيتها وهي ما لهاش لازمة ما لهاش علاقة بالموضوع خالص. بس جايب واحدة تلك معك - 00:22:44

محمد خالد ده هو بيقول له لا ده ده انت لو انت اصلا ماشين مع بعض حاولوا كل واحد يمشي مع نفسه. علشان يمكن تقرروا قرآن وانت لما بتنجعوا بتقدعوا ترغوا - 00:23:01

ما فيش داعي آآ ما تلغو يعني. لأ احنا بنتكلف ان احنا نجيب معنا ناس وانا رايح الكلية بشوف حد يروح معي وانا رايح مشوار بدور على حد يروح معي وباجيب - 00:23:11

اتنين وتلاتة عشان نقدر نرغي نرغي. وبعد كده اقول مش لاقى وقت للقرآن. طب ما كنت تروح الكلية لوحدي. طب ما كنت تنزل مشوار لوحدي. ما كانش فيه لا ماشي انا قابلت حد ماشي مش هقول له - 00:23:21

آا مش هعمل زي السلف مش هقول له امشي لوحدك. صعبة. بس على الاقل مش انا اللي بجيبيهم. يعني انا لقيت فرصة انزل لوحدي طب ما انزل لوحدي يعني انا ليه بجيبي ناس يرغوا معي والرغي ده بيقلب بغيبة ونميمة ويعني - 00:23:31 بعد كده نقول مش لاقني وقت للقرآن انت مش مصاحبه اصلا. انت اصلا بتبقى مبسوط لما تنزله لوحدك. المفروض تقول يا سلام! لوحدي بقى. هجيبي جزء وانا رايح. جزء وانا - 00:23:45

ایوه بقى خلص بقى وارمي في السكة الحمد لله ما فيش حد معندي. ده انت لو حد قابلك صدفة في الشارع بتبقى ايه عايز تخلص معك الكلام وتقول يا رب يا رب ما يمشيش معندي - 00:23:57 يا رب يكون ماشي في حته تانية. آآ يا رب ما يكونش مروح في نفس سكتي ولا هيركب نفسه مواصلتي عشان مش عايز كلام. مش عايز كلام كتير فرق كبير - 00:24:07

احد السلف كان بيبيين علاقته بالقرآن ازاي اتطورت لان بعض الناس بيعتقد ان اللي احنا بنعمله ده اللي بنقوله دوت غير قابل للتطبيق ليه ؟ بيقول لك شيخ ما هو في الآخر ما فيش وقت - 00:24:16

انا كبيري هجيبي جزء في القرآن جزء في اليوم. لا زود وما لكتش دعوة. زود وما لكتش دعوة كان احد السلف بيقول كلمة قيمة جدا جدا طبعا اي حد فيينا بيعتقد ان لما بيزود ورد القرآن - 00:24:40

ده معندي كده ان الوقت المتاح له في باقي اليوم هيقبل بمعنى انا لو لو جزء هيفضل لي مليون مسلا خمس ساعات فاضيين دولا المزاكرة وكل حاجة والكلام دوت لأ لو انا جبت جزئين بيقى اذا هيفضل لي اربع ساعات بيقى ده الوقت قل - 00:25:02 دي الحسبة المادية الحسبة ليه؟ المادية اما الحسبة الایمانية فتختلف تماما الحسبة الایمانية بتقول ان كل ما يزيد ورتك في القرآن يزيد البركة في الوقت وتعمل في الوقت الباقي رغم انه قليل - 00:25:21

اكتتر من اللي كنت بتعمله في الوقت الكتير اللي من غير قرآن. قولوا لي ده صح ولا غلط؟ الراجل من السلف بيقول ايه؟ قال احدهم كلما ساد حزبي من القرآن - 00:25:40

زادت البركة في وقتى ولا زلت ازيد في حزبي حتى بلغ عشرة اجزاء واني لاعمل في باقي الوقت ما كنت اعمل تاني كلما زاد حزبي يعني وردي من القرآن زادت البركة في وقتى - 00:25:53

وان ورد اليوم عشرة اجزاء وما زلت اعمل في يومي ما كنت اعمل يعني جاب كان بيبدأ جزء جزئين ثلاثة بيجيب عشر تجزاء في اليوم. ولسه يومه زي ما هو - 00:26:13

وبيعمل فيه اللي كان بي عمله. بل بي عمل اكتتر من اللي كان بي عمله اهو الناس اهو انا يا عم الراجل بتاع السلف بيأفور لا الناس اهي ناس من القرن الواحد والعشرين - 00:26:27

بيقولوا لك صح ده اللي حصل معنا فعلا. كل ما ازود وردي كل ما ربنا بيارك في الباقي. يعني لو انا وردي مسلا ساعة والباقي اربع ساعات خلتهم ساعة ونص فاضل لي تلت ساعات ونص لقت تلات ساعات ونص بقى اعمل فيهم اكتتر من اللي كنت بعمله في الاربع ساعات - 00:26:38

لانه كتاب مبارك ده كتاب فيه بركة. اول ما يخش في حياتك تلقي البركة. شعشت في كل حته. في وقتك وفي عملك وفي فهمك ومذاكريتك وفي زكائك وفي نباحك ونومك يقل - 00:26:55

الأكلة كيل صحتك احسن اداءك احسن. حضورك الذهني ارقى. الشغل جامد ما تخافش زود وردة من القرآن ما تقلقش. حياتك هتبقى اجمل علاقتك بربنا هتبقى احلى زود ولدك في القرآن. وصدق السلف بل صدق الخلف بعض الناس هو بيقول لك في الكومنتات والله حصل. ويقسموا بالله اهم - 00:27:08

ان هو حصل ايه اللي مخليك خلي ورتك ضعيف ليه بتقرأ حزب واحد؟ خليه جزء خليه جزئين ما تقلقش الباقي ربنا هبيبارك فيه. وهتلاري خير. بس اعمل المنظومة اللي انا بقول لك عليها ما تضيعش وقتك مع حد. خليك حريص ان انت تبقى لوحدك كتير هي كده - 00:27:31

تعالوا بقى نقول لكم ايه ليفل علاقة عالي بقى مع القرآن علاقة معاذ ابن جبل بابنه هحكي لكم القصة الاول
عشان نشوف الموقف العجيب اللي هيحصل بشكل عفوي دوت - 00:27:47

اللي بيبدل على الناس دي عالية قوي. معاذ بن جبل في اخر حياته عاش في الشام. عاش فين؟ في الشام في الشام في الفترة دي في
اخر حياة معاذ حصل طاعون اللي هو الطاعون المشهور بطاعون عمواس - 00:28:10

طاعون عمواس ده طاعون نزل في الشام وقتل اغلب اهل الشام او قتل ناس كثير في الوقت دوت. والطاعون دوت النبي عليه الصلة
والسلام عموما قال لو فيه طاعون في بلد ما تخرجوش منها. ده نوع من الحجر الصحي - 00:28:27

معاذ ابن جبل بقى في الشام صابرا محتسبا. وولاده بقى كانوا معه. كان معه زوجته وولاده. مات في الطاعون ده هو وزوجته وابنيين
له نفس الطاعون ده هو وزوجته وبنين له ماتوا في الطاعون دوت. لكن اول واحد مات في البيت كان ابنه اسمه عبدالرحمن -
00:28:41

كان مين ابنه؟ اسمه عبدالرحمن ابن معاذ ابن جبل الشاهد يعني ان هو اول واحد تعب اول واحد فدخل عليه معاذ تخيل اب
داخل على ابنته وابنه عيان. طاعون. يعني بيخلص. فهيدور الان حوار عفوي بين الاب وبين الابن. حوار ايه؟ عفوي. بص - 00:28:59
عامل ازاي؟ فقال معاذ لابنه يابني كيف حالك؟ سؤال عادي ابو يسأل ابنته كيف حالك تقال يا ابتي بص الاجابة يا
ابتي الحق من ربك - 00:29:23

فلا تكون من الممترفين الحق من ربك فلا تكون من الممترفين فقال معاذ فورا ستجدني ان شاء الله من الصابرين ايه ده ايه ده
حوار عادي بين اب وابنه - 00:29:45

ابن عنده طاعون وبيموت. فبدل ما يقول لابوه انا بموت يا ابا شد حيلك يا ابا. انا باخلص الحقني انا باضيع انا مش قادر. اصبر من
بعدي يا ابا اوعي. كل الكلام ده اختصر - 00:30:11

رجل قرآنی جاب اية اختصرت الكلام الحق من ربك يعني انا بموت الحق من ربک؟ يعني انا بموت. يعني هو بيقول له عامل ايه؟
فعايز يقول له انا بموت بس قالها له بطريقة اشيك يعني - 00:30:26

الحق من ربك. يعني انا بموت دلوقتي وبعد كده ادى له الوصية فلا تكون من الممترفين. ما تتهزش من بعدى يا ابا ما تتهزش من بعدى.
لو مت قدامك ما الابن بيوصي ابوه. بيوصي معاذ. فكانت الاجابة من رجل قرآنی هو اللي مربى ابنته اصلا. ده معاذ هو اللي مربى ابنته -
00:30:41

فقال يابني ستجدني ان شاء الله من الصابرين. مات عبدالرحمن وصبر معاذ ومات بعده معاذ رضي الله عن الجميع تعالوا نشوف
موقف تاني موقف عجيب عبدالله بن مسعود عبدالله بن مسعود - 00:31:00

جبل اه في خلافة عمر رضي الله عنه وارضاه في خلافة مين؟ عمر رضي الله عنه وارضاه فكان عبد الله ابن مسعود جاي من العراق.
وكان قاعد في العراق ساعتها - 00:31:32

فجاي من العراق يزور المدينة. يزور ايه؟ المدينة فمعاه فوج جاي من العراق وجاي ايه؟ الى المدينة عشان يزور المدينة. فعمر رضي
الله عنه كان طالع ومه موكب كده وماشيين في المدينة. التقى الموكبين - 00:31:54

موكب فيه عبدالله بن مسعود وموكب فيه عمر بن الخطاب بس الدنيا كانت ليل وكانت الرؤية مش واضحة فعمر رضي الله عنه
بيسأل عايز يعرف مين اللي جاي. انا عايزك بس تشوف بقى ايه؟ انسى بقى كل اللي انا قلتة - 00:32:15

انا عايزك تعيش معايا في الحوار الراقي اللي هيحصل بين عمر وبين ابن مسعود. حوار كده هيحسسك ان احنا احنا في اللالا احنا في
الضياع. حوار كده ايه؟ حوار حوار في السماء السبعة - 00:32:33

حوار في السماء السبعة. حوار فوق السحاب. حوار في الخيال. حوار في الجنة. عش معن في الحوار اللي هيحصل دوت عمر بيسأل
عادي انا واحد عادي بسأل عادي سؤال عادي ايه اللي حصل ده كله؟ ناس قرآنين عايشين مع القرآن - 00:32:48

فقال عمر من اين القوم من اين القوم فجاء بعد الله ابن مسعود هو طبعا هو مش شايف عمر مش شايف مين اللي بيجاوبه بس سامع

صوت قال جتنا من الفج العميق. جئنا من الفج العميق - 00:33:09

فقال عمر واين تريدون؟ رايحين فين يعني فقال الصوت نريد البيت العتيق. نريد البيت العتيق طبعا الفج العميق البيت العتيق دي
كلام من القرآن اصلا عمر اتبسط او عجبه قوي ان فيه واحد ماشي معي على الخط - 00:33:29

وقال ان في القوم ايه؟ عالم فهي عجب الرجال ده شكل واحد قرآنی جامد قوي. فقال ايه عايز اسئلہ کم سؤال
نشوفه ايه قدراته هو ما يعرفش هو مين لغاية دلوقتي. ما يعرفش هو مين لغاية دلوقتي - 00:33:52

فقال ايها الصوت يعني يا هذا فلان اللي بتكلمني انت اخبرني اي اية في كتاب الله اعظم حوار بقى عالي قوي طيابة فورية. قال
الله لا اله الا هو الحي القيوم - 00:34:07

فقال اخبرني اي اية في كتاب الله معك ارجى فقال الصوت قل يا عبادي الذين اسرفوا على انفسهم لا تقنطوا من رحمة الله. ان الله
يغفر الذنوب جميعا. انه هو الغفور - 00:34:26

رحيم باسطة سيدنا عمر قال له اخبرني اي اية في كتاب الله معك اخو福 مخيفة فقال الصوت ليس بامانيكم ولا امانی اهل الكتاب
من يعمل سوءا يجزى به ولا يجد له من دون الله ولها ولها نصيرا - 00:34:44

عمر قال له طيب اخبرني اي اية في كتاب الله معك اجمع اي اية في كتاب الله معك اجمع وقال الصوت فمن يعمل مثقال ذرة خيرا
يره. ومن يعمل مثقال ذرة شرا يره - 00:35:12

فقال عمر اي اية في كتاب الله معك احكم. اي اية في كتاب الله معك اي احكم. فقال الصوت عبد الله بن سعود قال ان الله يأمر
بالعدل والاحسان وابتلاء ذي القربي. وبينه عن الفحشاء والمنكر - 00:35:34

والبغى فعمر قال انت عبد الله بن مسعود؟ قال نعم ايه بقى؟ احنا قاعدين فين؟ عرفوا قال مستحيل مستحيل مستحيل بنی ادم في
الدنيا يعرف الاجابات ديت الا واحد في العالم كله - 00:35:54

ما فيش غير واحد في العالم ده يقدر يجاوبني الاجابات ديت. عرفوا على طول قال له انت اكيد عبد الله مسعود مستحيل. حد يعرف
الاجابات ديت الا هو. قال له ايوة - 00:36:17

كان عبدالله بن مسعود ياه على جمال اللقاء! انا بتخيل بقى كمان بعد الكلام ده هم حضنوا بعض ازاي؟ وقبلوا بعض ازاي وحرارة
اللقاء كانت عاملة ازاي؟ لما اتنين جبال كده بعت ايه الجمال! ايه الجمال ده! يعني احنا ودانا عفت من المهرجانات - 00:36:27

عفت من سماع الرابات في الشارع. عفت من سماع الشتايم وقلة الادب. عفت من المسلسلات والافلام. عفت من الشتايم وقلة قلة
ادب في الشوارع. عفت من الخناقات اللي في الطرقات. فين الجمال ده - 00:36:47

فين الجمال اللي بيخش الودان ده؟ اللي انا انت قاعد كده بتسمع القصة بس انبسطت كده. حاسس ان انت نضفت وانت قاعد. اومال
هم كانوا عاملين ازاي حاجة مؤلمة جدا جدا - 00:37:03

عبد الله بن مسعود هو نفسه اصلا كان له مقوله ليس لا مثيل مقوله ليس لها مثيل. يا ريت تجيبيوها لي يعني. اعمل سيرش عليها
بسربعة وهاتها لي. عشان واحنا بنقولها ايه؟ تتلعلع معنا - 00:37:16

كان ليه كلمة بتختصر لي الدرس دوت اللي هو ايه؟ اللي هو يعني ايه صاحب قرآن شفتم المواقف اللي انا قلتها لكم دول ما فيهمش
صلة. ما فيهمش محارب. ما فيهمش ما فيهمش يعني مصحف. ما فيه مش الكلام ده انا باجي - 00:37:34

باجي لك الكلام عادي واحد في الموقف العادي واحد في الحياة العادية قد ايه القرآن مأثر فيه. عبدالله ابن مسعود اختصر الحياة
اختصر كل الدرس ده في مقوله عظيمة تكتب بماذا هاتها لي من النت دلوقتي - 00:37:51

قال عبدالله ابن مسعود ينبغي لحامل القرآن ينبغي لحامل القرآن ان يعرف بليله اذ الناس نائمون يعني يقوم
الليل لما الناس تكون نامية. وان يعرف بنهاهه اذ الناس مفطرون - 00:38:05

يعني يكون صائم لما الناس كلها بتبقى مفطرة. وان يعرف بيکائه اذ الناس يضحكون. مش هي الهموم ويبيقرأ حاجات صعبة. وان
يعرف بصمته اذ الناس يخوضون. اه بيقرأ ما يلفظ من قول الا لديه رقم عتيد. ان يعرف بصمتي زي الناس يخوضون - 00:38:31

وان يعرف بخشوعه وان يعرف بخشوعه. اذ الناس يختالون ينبغي له ان يكون باكيما حليما سكينا طويل السكوت. لا ينبغي له ان يكون جافيا ولا غليظا ولا سخابا ولا صيحا ولا حديدا يعني حاد الطياع - [00:38:57](#)

اه ممتاز يا حبيبي ممتاز شفتم الكلام ده؟ ايه رأيكم دى ده اختصار لما ينبغي عليه ان يكون صاحب القرآن كل حاجة بقى الحياة كلها خلاص هنا هو يعرف بليل اذا الناس نايمون. قوام. صيامي اذ الناس مفطرون. يعرف بحزنه اذا الناس يفرحون. يعرف بصمته اذ الناس يخوضون - [00:39:26](#)

يعرف في خشوعي زي الناس يختالون. ينبغي له ان يكون باكيما حزونا حليما سكينا سكينا. لا ينبغي له ان يكون جافيا ولا صخابا ولا صيحا ولا حديدا. يكونش بيجهر ما يكونش فز - [00:39:53](#)

ده صاحب القرآن. بيان عليه نهاره في ليه في سنته في هديه في كلامه في حواره ده الكلام ده ناخدوا موقف كمان صلوا على النبي عليه الصلوة والسلام. موقف عجيب لواحد من الجبال - [00:40:11](#)

القرآن هو ببرضو زيد ابن ثابت نرجع تاني لزيد ابن ثابت رجل قرآني في المقام الاول ومعرفه ان زيد ابن ثابت هو هو اللي جمع القرآن في عهد ابي بكر الصديق رضي الله عنه وارضاه - [00:40:36](#)

كان يوم صعب جدا زيد ابن ثابت رغم ان هو كان في الوقت ده سنه صغير. حاجة وعشرين سنة. لكن انقد الامة من كارثة كادت ان تقع بعد ان مات رسول الله صلى الله عليه وسلم - [00:40:53](#)

فزيد ابن ثابت كان حضر الموقف اللي اختلف فيه الانصار والمهاجرين مين يكون الخليفة بعد الرسول عليه الصلوة والسلام؟ فكان الانصار شايفين ان سعد بن عبادة سعد بن عبادة سيد الانصار في الوقت دوت خاصة بعد وفاة سعد بن معاذ ان هو بيقي الخليفة - [00:41:14](#)

وطبعاً المهاجرين اكيد ابو بكر هو الخليفة. حصل خلاف في اول النهار. يعني حصل خلاف بسيط طبعاً ما حصلش مصيبة. لكن اختلفوا. مين اللي نهى خلاف زيد بن ثابت زيد ابن ثابت. زيد ابن ثابت هو اصغر واحد واقف في الموقف دوت. اصغر واحد واقف في الموقف دوت - [00:41:41](#)

خد بالك اصغر واحد. لكن كل الناس عارفين مين زايد ابن ثابت. رجل جمع القرآن. رجل خاتم القرآن. راجل تقيل. عارف فين قيمته؟ عشان كده بقول لك هو المفروض اهل القرآن بيان في المجتمع؟ باین انه تقيل - [00:42:03](#)

تقيل تقيل بالقرآن. ما ينفعش واحد حافظ قرآن يبقى هزء كده يبقى قلة في المجتمع انت تقيل بالقرآن قعدوا يختلفوا والكلام رايح وجاي حتى قام زيد ابن ثابت. تخيلوا لما قام زيد ابن ثابت كله سكت - [00:42:18](#)

وكله سمع وكله قال امين بعديها قال لي زيد ابن ثابت بقى زي ان ثابت هو اصلاً من الانصار. يعني المفروض نزرياً يتخيّز لسعد بن عبادة مش لابي بكر الصديق. العكس حصل. قام زيد ابن ثابت في الانصار - [00:42:35](#)

وقال يا معاشر الانصار يا معاشر الانصار ان رسول الله صلى الله عليه وسلم كان من المهاجرين وكنا نحن انصار كنا نحن انصار وسيكون وسيكون الخليفة رسول الله صلى الله عليه وسلم من المهاجرين. وسنكون - [00:42:51](#)

نحن انصار فسكت القوم ولم يردوا كلام زيد بن ثابت وفرح ابو بكر الصديق بمقالة زيد بن ثابت وقال والله لو قلتكم غير هذا ما صالحناكم. ان الوحي دل على اصلاً ان ابو بكر هو الاحق بالخلافة بعد - [00:43:11](#)

فصل عليه الصلوة والسلام جبال تعالوا اقول لكم موقف تاني. يوم حنين يوم حنين لما النبي الصحابة انت عارفين في يوم حنين في الاول حصل ايه الناس اه كانوا فرحانين - [00:43:28](#)

بالكثره وبتابع فعلبوا في اول غزوه حنين. اول غزوه حنين حصل غلبة. فالناس اتفرقوا هربوا في البداية. فلما النبي عليه الصلوة والسلام قال للعباس نادي له على الناس. نادي على الناس. ناداهم ازاي - [00:43:43](#)

اللوم يا اصحاب البقرة يا اصحاب السمرة. السمرة اللي هي الشجرة اللي هي كانت في صلح الحديبية. اذ بيايعونك تحت الشجرة. فناداهم بالشجرة اللي في الحديبية وناداهم بالبقرة يا اصحاب السمرة يا اصحاب البقرة - [00:43:57](#)

بس ده كان النداء تخيلوا. تخيلوا واحد بینادي على واحد بيقول له يا صاحب البقرة اللي هو عيب عليك مثلك لافر عيب يا صاحبة البقرة عيب تلبسي كده حجابك لازم يكون احسن من كده. انت تحفظين البقاء. يا صاحب البقرة. عيب الفاظك تكون كده - 00:44:17
انت صاحب سورة البقرة. يا صاحبة البقرة عيب تكوني بتغتابي وتنامي. عيب تكوني مصاحبة ولد. عيب انت كده ما ينفعش دي مش صحبة سورة البقرة. يا صاحب البقرة ما ينفعش تكون متفرج على افلام اباحية - 00:44:39

ما ينفعش تعمل عادة سرية انت صاحب سورة البقرة. اعرف قيمة الحاجة اللي معك النداء ده رجع الناس كلها. انت متخيلين؟ كل الناس اللي فرت رجعت بكلمة كله خدها على صدره - 00:44:58

اللي هو فعل ازاي؟ انا. حافظ سورة البقرة. آآمشي مش ممكن ما ينفعش. كله رجع فلما تيجي تعمل هوا غلط قول لنفسك عيب ده انت حافظ جزء عم عيب ده انت حافظ البقرة ميصحش ده انت حافظ ال عمران تقابل ربنا ازاي - 00:45:14

واعجب من ذلك سالم مولى ابي حزيفة كان في يوم معركة اليمامة اللي هي المعركة اللي مع اه مسيلمة الكذاب والردة والكلام دوت. كانت المعركة الفاصلة - 00:45:33

فكان سالم مولى ابي حزيفة معه لواء المهاجرين وكانت المعركة شدت قوي وكاد الدنيا ايه؟ الدنيا كانت هتبوا خلاص. فعايز يحمس الناس ببس الكفن واخز يصرخ في الناس يا اصحاب البقرة زينوا القرآن بالفعال. يا اصحاب البقرة زينوا القرآن - 00:45:51
تعال ثم قال له الناس نخشى يا يا سالم ان نؤتى من قبلك. نخشى ان نؤتى من قبلك. فقال كلمة رهيبة جدا قال بس حامل القرآن انا اذا. اذا لم اثبت بس حامل القرآن انا اذا اذا لم اثبت - 00:46:20

برضو حاجة من الحاجات العجيبة. سبحان الله يعني يعني القصص كتير آآ والوقت بيبعدي وانا ما بجيش اطول بس خليني اقول لكم كده ايه اثارين اه نقرب شوية اه من بعض الايه النماذج القريبة شوية - 00:46:38

تعلمون انت مسلا مثال للتفاعل القرائي توبة الفضيل ابن عياض. فضيل ابن عياط طب ازاي؟ تب اية كان بيتسلق جدار كده عشان يعمل حاجة غلط. سمع قرية يقول الم يأن للذين امنوا ان تخشع قلوبهم لذكر الله فسقط من على - 00:46:57

الجدار وقال بل انا يا رب بل انا رب. الحسن البصري الحسن البصري حسن البصري. بيسأله امه. بيقولوه بيقولوا لامه ما اعجب ما رأيت من الحسد ما اعجب ما رأيت من الحسن. قالت كان اذا فتح المصحف - 00:47:14

بكى قبل ان يقرأ صباح الخير تاني كان الحسن اذا فتح المصحف بكى قبل ان يقرأ حب مجرد ما يشوف ورقة المصحف بيكي قبل ما يقرأ. امال لما بيقرأ بيحصل ايه - 00:47:37

سلام احنا كده في السلام احنا كده في السلام احنا كده مع نفسنا. احنا كده في اللالا دولا السلف اللي المفروض هنتحاسب احنا وهم مع بعض يوم القيمة. كان اذا فتح المصحف بكى قبل ان يقرأ - 00:48:07

الامام احمد وهو في مجلسه وسط طلابه دخل عليه رجل فسبه دخل عليه رجل فسبه فلم يرد الامام احمد حتى انصرف الرجل ليه سبه دوت فسألة التلاميذ يعني لما لم ترد عليه؟ لما لم ترد عليه - 00:48:21

فقال الامام احمد ان انا ردت عليه فاين القرآن اذا ان انا ردت عليه. فاين القرآن اذا الم تسمعوا قول الله تعالى وعباد الرحمن الذين يمشون على الارض هونا واذا خاطبهم الجاهلون قالوا سلاما - 00:48:45

تطبيق سريع بسيط في وقت بيتشتم قدام تلاميذه الموضوع اصعب. ده ممكن بس اقول لهم اضربوه حيتسحل. قال لهم فاين القرآن اه اذا امال انا حافظ قرآن ليه بقى؟ والقرآن اللي عايز اعلمه لكم ده لازمته ايه بقى - 00:49:11

لازم اعمل به انا باول واحد اعمل بيه قصة تانية جميلة لواحدة معاصرة كانت امرأة لا تنجب راحت الاطباء ولفت على الدكاكترة وخدت كل الحاجة وعمليات كل حاجة ما جابتني معها. ما فيش اي حاجة جابت معها. فقالت اقرأ القرآن - 00:49:28

لعلی اجد فيه علاجا فقرأت القرآن حتى وصلت الى سورة نوح بتقول وكأني لاول مرة في حياتي اقرأ هزه الاية فقلت استغفروا ربكم انه كان غفارا. يرسل السماء عليكم مدرارا - 00:49:56

ويمددكم باموال بنين ويجعل لكم جنات. ويجعل لكم انهارا قالت استوقفتني هزه الاية وقلت هزا دوائي. هزا دوائي فاتفقت مع

زوجي ان نداوم فقط على الاستغفار قالت والله لم يمر شهرين الا وقد حملت - 00:50:19

لم يمر شهرين بعد سنتين من الادوية والعلاج والعمليات لم يمر شهرين الا وقد حملت دي قصة معاصرة جديدة شاب بيحكى بيقول
كنت مدمن للافلام الاباحية حلو مدممن افلام اباحية اترجع عليها بالليل ومع نفسه بتاع - 00:50:48

والعادة السرية طبعاً فيبيقول خلاص جربت كل حاجة حاولت كل حاجة ما فيش اي حاجة جايية معي برضو نفس الكلام قال هفتح القرآن هو الناس بيقولوا القرآن ده شفاء صح؟ وفيه كل حاجة. قال والله انا هفتح القرآن واقعد اقرأ من اوله - 00:51:19

اوله لآخره وادرور على شفاء قلبي من الاباحية فيبيقول فافتتحت القرآن فقرأت سورة البقرة ما لهاش حاجة لسه وقرأت ال عمران ما لهاش حاجة برضو. ثم قرأت النساء حتى وصلت الى آية غيرت مجرب حياتي - 00:51:36

قرأت النساء حتى بلغت قول الله تعالى يستخفون من الناس ولا يستخفون من الله وهو معهم اذ يبيتون ما لا يرضي من القول وكان الله بما يعملون محيطاً. يستخفون من الناس - 00:52:00

ضحية ولا يستخفون من الله وهو معهم اذ يبيتون ما لا يرضي من القول. وكان الله بما يعملون محيطاً. قال فكان هذا اليوم اخر يوم في حياتي. شاهدت فيه الاباحية او مارست فيه العادة السرية - 00:52:23

صباح الفل. علينا وعلى احوالنا مع القرآن. عندي قصص كتير بس هو دلوقتي واضح ان هو اه ضعيف شوية. انا مش عايز اطول عليكم. بس انا بديكم بس مثال عن اه كيف تكون صحبة القرآن؟ ازاي احنا نصاحب القرآن؟ اديكم مثال اخير - 00:52:43

كان داعية امريكي داعية مسلم امريكي وكان يدخل على يديه كل اسبوع تلتميت واحد بيخشوا الاسلام على ايده تلتميت واحد بيخش الاسلام على ايده كل اسبوع قالوا له انت بتجيبي الطاقة دي منين؟ يعني ازاي بيحصل كده - 00:53:11

اعلنت ببساطة اول ما بدأت الدعوة قرأت سورة عبس. سورة عبس يعني نفراها دي انا اللي بعمله كالاتي. بمشي بتطبيقات صورة عبسة قال سبحانه وتعالى هو ما يدريك لعله يذكر - 00:53:33

فانا بخش على الواحد بعرض عليه الاسلام عادي. بمشي في الشارع بوقف واحد اقول له ما رأيك تسمع عن الاسلام؟ واحكي لك عن الاسلام ما يدريك لعله يذكر او يذكر فتنفعه الذكري - 00:53:54

وبعد كده لو قال لي لأ بشتغل بالالية اللي بعديها اما من استغنى فانت له تصدى وما عليك الا يذكر فلما يقول لي لأ خلاص باروح سايبه وماشي واما من جاءك اسأل لو قال لي اه - 00:54:07

بيهتم به واما من جاءك يسعي ويخشى فانت عنه تلهى كلابي. ببقى المفروض تهتم به. بيكول انا ماشي حياتي كده. امشي اكلم ده. قال لي ماشي؟ بقول له قال لي مش عايز خلاص. وسبحان الله بالبركة ديت - 00:54:23

فتح ربنا القلوب كلها لي. والحمد لله كل اسبوع فيه تلتميت واحد بيخشوا الاسلام على ايدي بقى ايه احنا مش موجودين. بس كده مش انا مش هقول حاجة تانية عشان انتو اه الوقت بس انا عايزك بس تتأكد ان احنا - 00:54:39

احنا رحلتنا طويلة بقى مع القرآن محتاجين آآ نعيش شوية نصاحبه اكتر من كده. علشان علاقتنا محتاجين نحس به في حياتنا. لو حسيت باللي انا قلتة النهاردة ده حسيت به في حياتك في فرق في سلوكك في تصوراتك في ردود افعالك في حساباتك اليومية بيقى انت وصلت لمرحلة كويسة - 00:54:57

لسه في خانة باحفظه وبس لسه شوية. معلش انا بديكم عالية شوية. طبعاً المستوى ده مستوى عالي جداً. بس لازم برضو اقول لكم ان فيه المستخدم موجود. عشان برضو ما تراضاش عن نفسك. يعني لو انت بس طلعت من الایف دوت مش راضي عن نفسك بس. فدي بداية التغيير - 00:55:22

بداية ان انت هتبقي احسن انا مش راضي عن نفسي. انا حاسس انا لسه قدامي كتير. كويسي. بيقى انا كده ايه ناجح النهاردة. ان انا حسستك ان انت لسة شوية. فانت هتحاول اكتر ان انت تتفاعل ان انت تفهم - 00:55:42

ان انت تعيش ان انت تقرأ احوالهم بحيس انك انت تتطور. فان شاء الله هتطوروا وان شاء الله هتبقي احسن. وان شاء الله هتبقو اهل قرآن. وآآ اذكروني في دعواتكم وفي شفاعة يوم القيمة - 00:55:54

وانا بحب والله اقول لكم الخير اللي عندي. واجري على الله. وآيا رب حد فيكم بس ينتفع باللي قلناه. ويعمل به ويكون في ميزان حسناتي. واللي ينشر اللايف دوت ويشيره ويمنشه لحبيبه. يبقى كتر خيره. فاللايف موجود على الصفحة. اللي عايز يسمعه اي وقت يعيده او ينشره لغيره - [00:56:07](#)

ربنا يبارك فيكم ويرضى عنكم.انا بحبكم في الله. عشان كده بحب اقول لكم كل اللي في قلبي. وبحب انصحكم. وبنصح نفسي ابتداء طبعا كالعادة ان شاء الله بقى اللايف الجاي هيبقى حاجة تانية خالص موضوع تاني ونبدأ في قصة جديدة. وموضوع جديد ونمسي معه.انا بحبكم في الله. اشكركم على حسن المتابعة والاستماع. سبحانك اللهم - [00:56:27](#)

ربنا وبحمدك اشهد ان لا الله الا انت استغفرك واتوب اليك. السلام عليكم ورحمة الله - [00:56:47](#)